



Innkalling til Kommunestyret

Møtedato: 25.03.2015
Møtestad: Kommunestyresalen
Møtetid: 17:00

Kommunestyremedlemmene vert med dette kalla inn til møtet. Den som har lovleg forfall, eller er ugild i nokon av sakene, må melde frå så snart råd er, tlf. 56171000, slik at varamedlem vert innkalla.

Varamedlemmer møter berre etter nærare avtale.

Dokument som ikkje er tilsende, kan du få kopi av på dokumentsenteret. Dokument som ikkje er offentlege, vil bli utlevert i møtet. Dersom medlemmene på førehand ynskjer å gjera seg kjend med innhaldet i desse dokumenta, er dei tilgjengeleg på dokumentsenteret.

Ved møtestart vil styreleiar i Sambandet Vest AS, John Bauge informere om status for dette samferdselsprosjektet.

Sakliste

Saknr	Tittel
15/2015	Godkjenning av innkalling og sakliste
16/2015	Godkjenning av møtebok
17/2015	Referatsaker
18/2015	Fellesrådet - årsmelding 2014
19/2015	Arbeid med introduksjonsprogram i Meland kommune
20/2015	Førebyggjande tiltak og oppfølging ungdom
21/2015	Friluftslivets år kommune
22/2015	Vedtekter for Meland kulturskule
23/2015	Søknad om ny aksjekapital Sambandet Vest AS
24/2015	Kommunestruktur - oppstart reelle drøftinga

11. april 2016

Nils Marton Aadland
ordførar

Randi Helene Hilland
konsulent

Sakspapir

Saksbehandlar	Arkiv	ArkivsakID
Randi Helene Hilland		15/566

Saksnr	Utvalg	Type	Dato
15/2015	Kommunestyret	PS	25.03.2015

Godkjenning av innkalling og sakliste

Saksopplysningar:

Framlegg til vedtak:

Innkalling og sakliste vert godkjent.

Sakspapir

Saksbehandlar	Arkiv	ArkivsakID
Randi Helene Hilland		15/566

Saksnr	Utvalg	Type	Dato
16/2015	Kommunestyret	PS	25.03.2015

Godkjenning av møtebok frå møte 18.02.15

Saksopplysningar:

Framlegg til vedtak:

Møtebok frå møte 18.02.15 vert godkjent.

Sakspapir

Saksbehandlar	Arkiv	ArkivsakID
Randi Helene Hilland		15/566

Saksnr	Utvalg	Type	Dato
17/2015	Kommunestyret	PS	25.03.2015

Referatsaker

Underliggende saker:

Saksnummer	Tittel
17/2015.1	Helsing til alle dei som stemte nei til bompengesøknad
17/2015.2	Helsing til dei 14 folkevalgte som stemte Nei til Bom-pakke
17/2015.3	Informasjonsskriv - Kommunenes og fylkeskommunenes ansvar og oppgaver for rådet for personer med nedsatt funksjonsevne
17/2015.4	Kommunale og fylkeskommunale reglementer om folkevaldes teieplikt ved lukking av møter
17/2015.5	Kontrollrapport 2014 vedkomande skatteoppkrevjarfunksjonen for Meland kommune
17/2015.6	Startlån 2015
17/2015.7	Rapport Riksrevisjonens undersøkelse av kommunenes låneopptak og gjeldsbelastning

Saksopplysningar:

Framlegg til vedtak:

Meldingane vert tekne til orientering.

Sakspapir

Saksbehandlar	Arkiv	ArkivsakID
Randi Helene Hilland		15/303

Saksnr	Utvalg	Type	Dato
07/2015	Fellesrådet	PS	12.02.2015
18/2015	Kommunestyret	PS	25.03.2015

Fellesrådet - årsmelding 2014

Vedlegg:

Årsmelding om arbeidet i Fellesrådet 2014

Årsmelding om arbeidet i fellesrådet 2014 - vedteke i Fellesrådet sak 7/15

Saksopplysningar:

Bakgrunn

Det ligg føre årsmelding om arbeidet i Fellesrådet 2014 dagsett 15.01.15.

Vurdering

Folkehelse

Miljø

Økonomi

Konklusjon

Framlegg til vedtak:

Fellesrådet - 07/2015

FER - behandling:

Fellesrådet kom med nokre merkander. Årsmeldinga vil verta retta opp i tråd med merknadane.

FER - vedtak:

Årsmelding om arbeidet i Fellesrådet 2014, d. 15.02.15 vert godkjent.

Sakspapir

Saksbehandlar	Arkiv	ArkivsakID
Helge Kvam	FA - X64, TI - &73	15/265

Saksnr	Utvalg	Type	Dato
04/2015	Utval for levekår	PS	17.02.2015
19/2015	Kommunestyret	PS	25.03.2015

Arbeid med introduksjonsprogram i Meland kommune

Vedlegg:

Introduksjonslova

Saksopplysningar:

Bakgrunn

Viser til kommunestyret sak 57/2014.

Introduksjonsprogram gjeld målgruppa mellom 18 - 55 år. Programmet er eit lovkrav jamfør Introduksjonslova. Programinnhald er omfattande og går over 2 år, der ein kan forlenga med 1 år. Ein kan og tilby program som har kortare tidsramme der dette er vurdert som hensiktsmessig utfrå individuell progresjon.

Viser her til Integrerings- og mangfoldsdirektoratet si nettside for meir detaljert informasjon om programinnhald <http://www.imdi.no/no/Introduksjonsordningen/introduksjonsprogram/>

Status

Meland kommune har i perioden 2009 – januar 2015 busett 70 flyktningar inklusiv 19 barn. 14 av desse har flytta ut av kommunen.

I Meland har alle flyktningar mellom 18-55 år fått tilbod om og gjennomført introduksjonsprogram. Per januar 2015 har Meland 17 personar i program. Samtlege går på norskundervisning ved Lindås lærings- og utgreiingssenter. Av dei 34 som har gjennomført program har:

- 12 fått ordinært arbeid (35 %)
- 8 er under ordinær utdanning (24 %)
- 6 har vidareføring via andre kvalifiseringstiltak v/NAV (17%)
- 2 er i morspermisjon (6 %)
- 6 har flytta til annan kommune, der ein ikkje kjenner vidare progresjon (17%)

Regjeringa si målsetting med introduksjonsprogram er at minst 55 % av deltakarane skal over i arbeid eller ordinær utdanning etter program. Nasjonale data for 2013 (jamfør link over) syner at i gjennomsnitt var måloppnåing i kommuneNorge 47 %. Slik sett har Meland kommune per tid ei tenleg fordeling av resultat av programgjennomføring.

Det er samstundes viktig å peike på at nokre av programdeltakarane har utfordringar med å få fast arbeid. Nokre vil difor ha supplerande økonomisk sosialhjelp i kortare periodar i fasar mellom midlertidige arbeidskontraktar. Sosialhjelp til denne målgruppa vert finansiert via integreringstilskot.

Moglege tiltak

Aktuelle tiltak som kan bidra til framhald med tenleg måloppnåing av introduksjonsprogram er mellom anna:

- Vurdere etablering av fagprogram VISMA Flyktning. Det er t.d. stor spreieing i tidlegare skulegong balnt målgruppa. Dette krev fokus på individuell tilrettelegging og handlingsplanar. Fagprogrammet er eit verktøy som gjer det mogleg å samordne arbeidsoppgåver til den einskilde inklusiv kontrollverksemd meir systematisk og heilskapleg.
- Kontinuerleg kompetansebygging kring aktuelle nasjonalitetar/kulturar som er representert i målgruppa med omsyn til individuell tilrettelegging for best mogleg integreringsverksemd.
- Iverksette arbeid med å invitere aktørar frå næringsliv i Nordhordland til dialogmøter kring etablering av fleire ulike typar språkpraksisplassar.
- Det er trong for å intensivere vektlegging av etablert interkommunalt samarbeid med øvrige flyktningetenester i Nordhordland. Det er truleg gevinstar å hente i samhandling kring integreringsverksemda med omsyn til effektivisering, erfarings- og kunnskapsutveksling.
- Integreringsverksemd er eit samfunnsansvar som går utover arbeidsområdet til flyktningetenesta åleine. Det er difor sentralt at kommunen samordner og koordinerer ulike tenesteområder og samfunnsliv i arbeidet.
- Halde fram målsetting om å etablere flyktningane i tenlege bumiljø der infrastruktur/transport ikkje er til hinder for måloppnåing. Viktig å etablere godt vurderingsgrunnlag jamfør bruk av investeringsmidlar.

NAV v/flyktningekonsulent Tove Hagenes orienterer om introduksjonsprogram i møte samt andre aktuelle tema om integreringsverksemda. Vidare vil ein søkje å invitere ein/fleire flyktningar for å fortelje om sine erfaringar med ordninga.

Vurdering

I Meland kommune har til no alle flyktningar mellom 18-55 år fått tilbod om og gjennomført introduksjonsprogram. Rådmann vurderer at noverande måloppnåing med om lag 59 % som har gjennomført program og fått etablert fast arbeid eller ordinær utdanning er eit tenleg resultat.

Det er likevel trong for å halde fram eit kontinuerleg fokus på det samla samfunnsansvar Meland kommune har i høve integreringsverksemd. Aktuelle mål, strategiar og tiltak for å auke måloppnåing med introduksjonsprogram vert å forankre i overordna kommuneplan samt til ei kvar tid gjeldande økonomi/investeringsplan.

Folkehelse – ingen merknad

Miljø – ingen merknad

Økonomi – ingen merknad

Konklusjon

Framlegg til vedtak:

Kommunestyret tek informasjon om arbeid med introduksjonsprogram til vitande. Integreringsverksemd av flyktningar er eit samfunnsansvar, og det er difor sentralt at kommunen samordner og koordinerer ulike tenesteområder og samfunnsliv i arbeidet. Aktuelle mål, strategiar og tiltak for verksemda/målgruppa vert å forankre i overordna kommuneplan og til ei kvar tid gjeldande økonomi- og investeringsplan.

Utval for levekår - 04/2015

ULK - behandling:

Framlegg til endring 1. linje i adminstrsjonen sitt framlegg til vedtak frå Kåre Skibenes, KrF:

Kommunestyret er nøgd med noverande resultat av arbeid med introduksjonsprogram. Ein ber rådmann arbeide for å oppretthalde måloppnåing med omlag 60 %.

Avrøysting:

Endringsframlegget frå Kåre Skibenes og framlegget frå administrasjonen vart samrøystes vedteke.

ULK – framlegg til vedtak:

Kommunestyret er nøgd med noverande resultat av arbeid med introduksjonsprogram. Ein ber rådmann arbeide for å oppretthalde måloppnåing med omlag 60 %. Integreringsverksemd av flyktningar er eit samfunnsansvar, og det er difor sentralt at kommunen samordner og koordinerer ulike tenesteområder og samfunnsliv i arbeidet. Aktuelle mål, strategiar og tiltak for verksemda/målgruppa vert å forankre i overordna kommuneplan og til ei kvar tid gjeldande økonomi- og investeringsplan.

Sakspapir

Saksbehandlar	Arkiv	ArkivsakID
Helge Kvam	FA - C14	15/144

Saksnr	Utvalg	Type	Dato
12/2015	Utval for levekår	PS	17.02.2015
20/2015	Kommunestyret	PS	25.03.2015

Førebyggjande tiltak og oppfølging ungdom

Vedlegg:

Oppfølging - kjernegruppe for ungdomsskule

Oppfølging påtaleunntatelse med vilkår - Butikknaskeri

Oppfølging påtaleunntatelse med vilkår - Hasjavvenningsprogram

Saksopplysningar:

Bakgrunn

Viser til Kommunestyret sak 67/2014 «Samarbeidsavtale om ungdomsstraff og oppfølging i konfliktråd». I tillegg til nemnde arbeidsform inviterer lensmann i Nordhordland til ytterlegare samhandling med kommunane i region med omsyn til førebyggjande tiltak og oppfølging ungdom.

Lensmann har via felles politiråd i Nordhordland den 05.12.14 gjeve orientering om 3 moglege tiltaksområde jamfør vedlegg. Dette gjeld etablering av kjernegruppe på kvar ungdomsskule samt oppfølgings tiltak ved lovbrøt (ungdom) der ein kan iverksette påtaleunntatelse med vilkår.

- A. Kjernegruppe - lensmann ønsker å prioritere politikompetanse til kvar einskild ungdomsskule samt vidaregåande skule i region. Meland kommune vil slik få fast politiressurs knytta til Meland ungdomsskule samt Rosslund barne- og ungdomsskule. Fokus vil mellom anna vere tettare tverrfagleg samhandling med kommunale instansar kring førebyggjande innsats, nærleik til ungdomsmiljø samt foreldre/pårørande. Lensmann ønskjer slik å bidra meir aktivt inn mot ungdomsmiljø før individuelle utfordringar og handlingar krev reaksjon via straffesak.

Meland kommune har lang erfaring med tverrfaglege samarbeidstiltak relatert til skule via t.d. skulehelseteam. Arbeidsform er slik kjent og ein vil kunna nytte erfaringsgrunnlag for å drøfte tenleg arbeidsform med lensmann ved etablering av kjernegruppe.

- B. Oppfølgingstiltak ved påtaleunntatelse med vilkår – lensmann ønskjer å gje ungdom i region like rammevilkår for oppfølgingstiltak ved lovbrøt i ung alder. Dette gjeld til dømes butikknaskeri og rusrelaterte saker. Kombinasjon av generelle informasjonstiltak og like rammer for rask konsekvenshandtering og oppfølging på individnivå uavhengig kommunegrenser (mobilitet) vil kunne ha førebyggjande verknad på kort og lengre sikt.

Lensmann peiker mellom anna på «Ungdomskontakten Salto» som mogleg utførar av oppfølgingstiltak på vegne av kommunen. Noverande samarbeidsavtale for tiltaket gjeld for perioden 2013-2015. Den einskilde kommune må sjølv vurdere om ein vil handtere oppfølgingstiltak lokalt i kommune eller sende førespurnad om utføring via interkommunalt tiltak. Om det vert aktuelt å be «Ungdomskontakten Salto» om å bistå med oppfølgingstiltak må dette avklarast nærare t.d. med omsyn til samla ressursituasjon, prioriterte målgrupper og arbeidsform. Det er Lindås kommune som har ansvar som vertskommune.

Vurdering

Rådmann er positiv til auka samhandling med aktørar som har fokus på tenlege oppveksvilkår for ungdom, og som kan bidra til at ungdom som har ulike typar utfordringar kan få naudsynt bistand utfrå individuelle vilkår og i samhandling med pårørande.

Resultat frå Ungdomsundersøking seinare år syner mellom anna at det er ein føremon med eit mangfald av parallelle tiltak på ulike nivå. Særskilt er det viktig å støtte opp om foreldrerolla si sentrale betydning. Invitasjon frå lensmann i Nordhordland er difor eit ytterlegare bidrag til å samhandle med ungdomsmiljø, den einskilde ungdom og deira pårørande/foreldre. I tillegg vil tverrfagleg samarbeid vere kompetansegejevande for alle partar.

Både i høve lokale kjernegrupper og oppfølgingstiltak ved påtaleunntatelse med vilkår bør utføringar primært skje lokalt i kommunen. Lensmann har peika på det interkommunale tiltaket «Ungdomskontakten salto» som mogleg utførar av oppfølgingstiltaka ved lovbrøt. Rådmann vurderer at kommunen sjølv bør etablere erfaringsgrunnlag med arbeidsform og omfang før ein vurderer å rette førespurnad til «Ungdomskontakten Salto». Parallelt må ein halde fram samhandling og kompetanseutveksling med Ungdomskontakten vedkomande same målgruppe. Samla vurdering av «Ungdomskontakten Salto» sine ressursar, målgruppe og arbeidsform vert å ta stilling til ved etablering av ny avtaleperiode frå 2016.

Rådmann tilrår at kommunestyret er positiv til at det vert etablert lokale samarbeidsfora (kjernegruppe) med politikompetanse på den einskilde ungdomskule. Vidare vil rådmann tilrå at aktuell/e tenesteområde/r bistår med tenlege oppfølgingstiltak som bidrar til at politimynde kan iverksette påtaleunntatelse med vilkår i saker der ungdom er involvert. Når det gjeld praktisk utføring av rutinar/prosedyrer for ulike typar oppfølgingstiltak og arbeidsformer vert desse å avklare med lensmann. Det er vidare ein føremon at ein finn fram til tenlege kriterium for evaluering av ordninga på kort og lengre sikt.

Folkehelse – betydning for oppvekstvilkår for ungdom

Miljø – ingen merknad

Økonomi – må primært handterast innan gjevne økonomiske rammer for 2015. Erfaringsgrunnlag og ressursituasjon må deretter vurderast i høve ordinær budsjetthandsaming frå 2016.

Konklusjon

Rådmann tilrår at kommunestyret er positiv til førespurnad om samarbeidstiltak med lensmann i Nordhordland jamfør vedlegg.

Framlegg til vedtak:

1. Kommunestyret er positiv til at det vert etablert tverrfaglege samarbeidsfora (kjernegruppe) med politikompetanse på ungdomsskulane i kommune.
2. Kommunestyret er positiv til at rådmann sikrer at aktuelle tenesteområde etablerer tenlege oppfølgingstiltak/team som bidrar til at politimynde kan iverksette påtaleunntatelse med vilkår i aktuelle saker der ungdom er involvert.
3. Målsettinga med tiltaka over er mellom anna å styrkje tverrfagleg samhandling kring oppveksvilkår for ungdom, samt at ungdom som har ulike utfordringar (t.d. utprøving av kriminalitet og rusatferd) kan få naudsynt bistand utfrå individuelle føresetnader i nær samhandling med pårørnde/foreldre.
4. Kommunestyret ønskjer at det vert etablert kriterium for evaluering av ordninga, og at det vert gjeve årleg orientering om utvikling.

Utval for levekår - 12/2015

ULK - behandling:

Framlegg til nytt punkt frå Kåre Skibenes, KrF:

Kommunestyret ber om at tiltaka vert iverksett frå august 2015.

Avrøysting:

Administrasjonen sitt framlegg til vedtak og framlegg til nytt punkt frå Kåre Skibenes vart samrøystes vedteke.

ULK – framlegg til vedtak:

1. Kommunestyret er positiv til at det vert etablert tverrfaglege samarbeidsfora (kjernegruppe) med politikompetanse på ungdomsskulane i kommune.
2. Kommunestyret er positiv til at rådmann sikrer at aktuelle tenesteområde etablerer tenlege oppfølgingstiltak/team som bidrar til at politimynde kan iverksette påtaleunntatelse med vilkår i aktuelle saker der ungdom er involvert.
3. Målsettinga med tiltaka over er mellom anna å styrkje tverrfagleg samhandling kring oppveksvilkår for ungdom, samt at ungdom som har ulike utfordringar (t.d. utprøving av kriminalitet og rusatferd) kan få naudsynt bistand utfrå individuelle føresetnader i nær samhandling med pårørnde/foreldre.
4. Kommunestyret ønskjer at det vert etablert kriterium for evaluering av ordninga, og at det vert gjeve årleg orientering om utvikling.
5. Kommunestyret ber om at tiltaka vert iverksett frå august 2015.

Sakspapir

Saksbehandlar	Arkiv	ArkivsakID
Bente Bing Kleiva	FA - C20	15/328

Saksnr	Utvalg	Type	Dato
08/2015	Utval for levekår	PS	17.02.2015
21/2015	Kommunestyret	PS	25.03.2015

Friluftslivets år kommune

Vedlegg:

Sett friluftsliv på dagsorden og bli en friluftslivets år kommune bli også med på kåring av årets friluftslivskommune

Saksopplysningar:

Bakgrunn

2015 er utpeika til å vere Friluftslivets år med særleg fokus på nærmiljø, heilårs friluftsliv, fritidsfiske og kulturminne. Mottoet for friluftslivets år er: «No er det din tur» og visjonen er «Fleire ut – oftare». Hovudmålet for året er todelt:

1. å gje friluftsliv auka merksemd
2. å gje varige resultat i form av auka deltaking i friluftsliv i alle delar av innbyggjarane.

Barn, unge og barnefamiliar er viktige målgrupper.

Norsk Friluftsliv og Friluftsrådenes Landsforbund inviterar alle kommunane til å gjere vedtak om å vere ein «Friluftslivets År kommune».

Vurdering

Meland kommune har fine naturressursar for eit aktivt friluftsliv. I temaplan for Idrett, friluftsliv og folkehelse er friluftsliv og nærmiljø tiltak omtala i kapittel 6. Eit av tiltaka som er sett i verk og har fått god respons er: merking og gradering av turløyper. Dette arbeidet skal halde fram til 2019.

For å bli ein friluftslivets år kommune må følgjande punkt oppfyllest i løpet av året:

- støtte opp om lokale arrangement og aktivitetar i Friluftslivets år.
- Vektleggje omsyn til friluftsliv i planarbeidet til kommunen. Dette er allereie i gang gjennom samarbeid mellom samfunnsplanleggjaren og kulturavdelinga
- Stimulere barnehagane og skulane til å bruke naturen i leik og læring. Kulturavdelinga skal ha eit møte med styrarane i barnehagane i februar og vil truleg ha eit tilsvarande møte

med representantar frå skulane.

- *Satse på stien som aktivitetsanlegg*
- *Bruke friluftsliv som eit positivt verkemiddel i folkehelsearbeidet i kommunen. Det vert arbeidd med å etablere «gågrupper»*
- *Arrangere Ordførarens tur, - ein open tur med ordføraren som turleiar.*
- *Stille opp til båsamtale eller anna møte med frilufsorganisasjonane i kommunen.*

Fleire av punkta ovanfor er allereie under arbeid og det vil vere ein positiv stimulans å vere med på slike tiltak som er nemnd her. Dette er og svært gode tiltak for å auke aktiviteten og kan vere eit viktig bidrag til styrka folkehelse.

Dei frivillige laga har sine faste tiltak, men dei vil truleg vere positive til å legge sine aktivitetar tett opp til desse aktivitetane.

Folkehelse : positivt for folkehelsa

Miljø: ved god tilrettelegging av aktivitetane vil dette tiltaket ikkje vere negativt for miljøet

Økonomi: Ikkje vurdert

Konklusjon:

Meland kommune ønskjer å delta i Friluftslivets år.

Framlegg til vedtak:

Meland kommune vil støtte opp om Friluftslivets År 2015 og arbeide for måla om å gje friluftsliv auka merksemd og varige resultat i form av auka deltaking i friluftsliv i alle delar av befolkninga.

Kommunen vil:

- støtte opp om lokale arrangement og aktivitetar i Friluftslivets år.
- vektlegge omsyn til friluftsliv i planarbeidet til kommunen.
- stimulera kommunen sine barnehagar og skular til å bruke naturen i leik og læring.
- satse på stien som aktivitetsanlegg.
- bruke friluftsliv som eit positivt verkemiddel i folkehelsearbeidet i kommunen.
- arrangere ordførarens tur; - ein open tur med ordføraren som turleiar.
- stille opp til båsamtale eller anna møte med frilufsorganisasjonane i kommunen.

Utval for levekår - 08/2015

ULK - behandling:

ULK – framlegg til vedtak:

Meland kommune vil støtte opp om Friluftslivets År 2015 og arbeide for måla om å gje friluftsliv auka merksemd og varige resultat i form av auka deltaking i friluftsliv i alle delar av befolkninga.

Kommunen vil:

- støtte opp om lokale arrangement og aktivitetar i Friluftslivets år.
- vektlegge omsyn til friluftsliv i planarbeidet til kommunen.
- stimulera kommunen sine barnehagar og skular til å bruke naturen i lek og læring.
- statse på stien som aktivitetsanlegg.
- bruke friluftsliv som eit positivt verkemiddel i folkehelsearbeidet i kommunen.
- arrangere ordførarens tur; - ein open tur med ordføraren som turleiar.
- stille opp til bålsamtale eller anna møte med friluftslivorganisasjonane i kommunen

Sakspapir

Saksbehandlar	Arkiv	ArkivsakID
Bente Bing Kleiva	FA - A30, TI - &00	15/292

Saksnr	Utvalg	Type	Dato
11/2015	Utval for levekår	PS	17.02.2015
22/2015	Kommunestyret	PS	25.03.2015

Vedtekter for Meland kulturskule

Vedlegg:

Vedtekter frå 1. januar 2011

Vedtekter frå 1. mars 2015

Saksopplysningar:

Bakgrunn

Meland kulturskule har skifta administrasjonssystem, dette gjer at einskilde punkt no ikkje lenger er relevante og einskilde punkt i vedtektene må endrast for å vere i tråd med dei faktiske forhalda.

Vurdering:

Grunna det nye administrasjonssystemet for kulturskulen må følgjande punkt endrast. Pkt. 3 og 4. Det vert og føreslege å endre punkt 23 av pedagogiske omsyn.

Gjeld pkt 3.: Overgang til datasystemet speedadmin.dk gjer at foreldra hakar av for å ha lese vedtektene og det gjer stadfesting av motteken plass overflødig då vi tidlegare sendte vedtektene med opptaksbrevet.

Gjeld pkt 4.: overgang til speedadmin.dk der kvar heim re-registrerer alle aktive elevar kvar vår og oppdaterer kontaktinformasjon, klassetrinn og skule i tillegg til om eleven ønskjer å halde fram/ søkje permisjon/ endre kurs/ melde seg ut. Etter mange påminningar (e-post, SMS og evt per telefon) om reregistrering mister ikkje-re-registrerte elevar plassen.

Gjeld pkt. 23.: Siste veka før jul opplever kulturskulen stort fråvere då grunnskulane har kveldsarrangement og dei frivilljuge laga har avslutningar av ymse slag. Kulturskulen ønskjer å bruke denne personalressursen til å skipe konsertar og framsyningar, å følgje opp elevar som deltek på eksterne arrangement som UKM og Hordablæsten, til møteverksemd, personalmøte, kompetanseheving og planarbeid i staden for det som vert venting på elevar som ikkje kjem då dei er oppteken på anna hald.

Folkehelse
Miljø
Økonomi

Ikkje særskilt vurdert i saka.

Konklusjon

Punkt 3, 4 og 23 vert endra til følgjande tekst:

3. Påmeldinga til kulturskulen gjennom www.meland.kommune.no er bindande og dei føresette stadfester i søknaden at dei har lese kulturskulen vedtekter . Dersom eleven likevel ikkje ønskjer tildelt kulturskuleplass pliktar dei føresette å melde frå umiddelbart.

4. Oppseiing må skje skriftleg og innan fastsette fristar. Fristane er **1. mai** når ein skal

slutte til sommaren, og **1. november** når ein skal slutte til jul. **Alle heimar må re-registrere eleven kvart år i innan 1. mai og elevar som ikkje vert re-registrerte mistar plassen i kulturskulen frå påfølgjande skuleår.**

23. Kulturskulen følgjar same skulerute som grunnskulen i Meland kommune, **med unntak av siste veka før juleferien då det ikkje er ordinær kulturskuleundervisning.**

Elevane pliktar å møta presis og førebudd til undervisningstimane. Sjukdom eller anna

tvingande grunn til fråvær skal det om mogeleg gjevast melding om på førehand til eleven sin

lærer, eller ved melding på første frammøte etter fråværet. Elevane kan ikkje få att timar dei

har skofta

Framlegg til vedtak:

Vedtektene for Meland kulturskule vert endra på punkt 3, 4 og 23. dei øvrige punkta vert ståande som i vedtektene frå 2011.

Utval for levekår - 11/2015

ULK - behandling:

ULK – framlegg til vedtak:

Vedtektene for Meland kulturskule vert endra på punkt 3, 4 og 23. dei øvrige punkta vert ståande som i vedtektene frå 2011.

Sakspapir

Saksbehandlar	Arkiv	ArkivsakID
Ingvild Hjelmtveit	FE - 026	15/637

Saksnr	Utvalg	Type	Dato
33/2015	Formannskapet	PS	11.03.2015
23/2015	Kommunestyret	PS	25.03.2015

Søknad om ny aksjekapital Sambandet Vest AS

Saksopplysningar:

Bakgrunn

Styret i Sambandet Vest har i brev av 15. januar 2015 bedt eigarane vurdere grunnlaget for vidare drift av selskapet og i så fall tilføring av ny aksjekapital.

Dagens aksjekapital er brukt opp, og selskapet treng tilføring av midlar for å sikre vidare drift. Styret legg til grunn at det er behov for minimum 1,5 mill kr dei neste åra. Styret ber om rask attendemelding frå eigarane om vidare drift er ønskt, og i så fall at det vert stilt kapital til disposisjon. Dersom eigarane ikkje stiller ny kapital til disposisjon må selskapet avviklast.

Selskapet opplyser i brevet at dei har von om å få med tidlegare eigarar som har gått ut. Dette gjeld Bergen, Fjell og Øygarden. Status her er ikkje kjent for rådmann. Det er og nemnt at det vert jobba med å få med fleire større private verksemdar som nye eigarar.

I kostnadsfordelinga er det teke utgangspunkt i dagens aksjefordeling. Meland har i dag 12 aksjar av tilsaman 160. Summen pr aksje er rekna til kr 9 375,-. Vår andel av 1,5 mill kr vert i så fall 112 500,-. I tillegg må vi vere med å dekke inn Nordhordland utviklingselskap sin andel. Nordhordland utviklingselskap IKS har 45 aksjar og må i så fall gå inn med 421 875,-. Desse pengane må eigarkommunane dekke inn då NUI ikkje har meir fondsmidlar å ta av.

Vurdering

Styret arbeider no ut frå ein framdriftsplan som legg opp til godkjenning av traséar for ein sambinding av Askøy og Nordhordland. I fylgje styret ser ein no på moglege løysingar for bru, eventuelt tunnell mellom Meland og Askøy og nærare planar for det. Det er etter det rådmann kjenner til ikkje lagt fram konkrete planar for løysinga så langt. Rådmann har heller ikkje sett at ny seglingslei og kva konsekvensar dette får for eit eventuelt brusamband er vurdert. Det er eit faktum at statleg reguleringsplan for ny seglingslei inn til Bergen vil bli utarbeidd, og dette vil få konsekvensar for kva type fjordkryssing som kan vere aktuelt mellom Meland og Askøy.

Sidan det enno ikkje er halde eigarmøte har rådmann freista å sjekke ut korleis dei andre eigarkommunane stiller seg til søknaden. Formannskapet i Askøy kommune fatta vedtak 10.02.15 om å gå inn med den summen det er søkt om i ny kapital.

Austrheim kommune har ikkje handsama søknaden, men ut frå den tilbakemeldinga rådmann har fått frå rådmann i Austrheim så er dei negative. Radøy kommune har heller ikkje handsama søknaden, og seier dei avventar å sjå kva Meland gjer. Frå Lindås kommune har rådmann i skrivande stund ikkje fått tilbakemelding.

Folkehelse

Tiltaket har klart ein positiv gevinst i form av ringveg som sikrar at det vert mogeleg å kome frå Nordhordland til Bergen sjølv om Nordhordlandsbrua og/eller Hagelsundsbrua skulle bli stengt.

Miljø

Det å ha eit effektivt vegsystem vil gi miljøgevinst. Det er på noverande tidspunkt umogeleg å vurdere om tiltaket vil føre til auka bilkjøring. Det er eit klart mål at framtidige utbyggingsmønster for å takle folkevekst skal planleggjast slik at ein reduserer behovet for bilkjøring. Dette tiltaket er slik rådmann forstår først og fremst kome til av omsyn til næringslivet og deira behov for effektive transportsystem, ut frå den plasseringa større verksemdar har i dag. I så fall er det tvilsamt om dette tiltaket i seg sjølv fører til redusert bilkjøring.

Økonomi

Kø fører til økonomisk tap for næringslivet. Bättre vegsystem vil difor kunne gi økonomisk gevinst i form av meir effektiv logestikk. På den andre sida vil dette prosjektet neppe kunne realiserast utan bompengefinansiering.

Konklusjon

Etter at dei opprinnelege traséane måtte skrinleggjast grunna tilhøve på havbotnen, ser ikkje rådmann nokon klar og realistisk løysing på kryssinga mellom Meland og Askøy. Skal kommunen bruke meir pengar inn i selskapet, meiner rådmann det må setjast krav om at selskapet snarast kjem opp med nye realistiske traséalternativ. Det bør og setjast som krav at alle andre eigarar yter sin del i selskapet. Meland sin del av forpliktinga er kr 112 500,-. I tillegg må vi finansiere tilsvarande sum av den delen som går på NUI IKS sin del. Tilsaman vert dette kr 225 000,- for Meland kommune sitt vedkomande. Dette er ein relativt stor sum for kommunen, og vi bør difor setje same krav til effektiv bruk av desse midlane som vi gjer på midlar vi elles brukar i drifta.

Framlegg til vedtak:

1. Meland kommune er positive til vidare drift av Sambandet Vest AS.
2. Meland kommune løyver kr 112 500,- som kommunen sin del av ny aksjekapital. Midlane vert å dekkje frå kapitalfond. Det vert likevel ein føresetnad at dei andre eigarane går inn med sin del.
3. Meland kommune er positive til å finansiere del av NUI IKS sin del av ny aksjekapital avgrensa oppad til kr 112 500,-. Finansieringa for denne delen vert å dekkje frå driftsfond.
4. Sambandet Vest As må snarast leggje fram nye realistiske planar for traceval og framdriftaplanar, samt vurdering av grunnlaget for framtidig drift av selskapet.

Formannskapet - 33/2015

FS - behandling:

FS – framlegg til vedtak:

1. Meland kommune er positive til vidare drift av Sambandet Vest AS.
2. Meland kommune løyver kr 112 500,- som kommunen sin del av ny aksjekapital. Midlane vert å dekkje frå kapitalfond. Det vert likevel ein føresetnad at dei andre eigarane går inn med sin del.
3. Meland kommune er positive til å finansiere del av NUI IKS sin del av ny aksjekapital avgrensa oppad til kr 112 500,-. Finansieringa for denne delen vert å dekkje frå driftsfond.
4. Sambandet Vest As må snarast leggje fram nye realistiske planar for traséval og framdriftsplanar, samt vurdering av grunnlaget for framtidig drift av selskapet.

Sakspapir

Saksbehandlar	Arkiv	ArkivsakID
Ingvild Hjelmtveit	FE - 002	15/709

Saksnr	Utvalg	Type	Dato
24/2015	Kommunestyret	PS	25.03.2015

Kommunestruktur - oppstart reelle drøftinga

Vedlegg:

Etablering av ein ny kommune med utgangspunkt i Lindås, Meland og Radøy kommunar -
Forhandlingsutvalet si utgreiing -utkast
Kommunereformen SAS avtale oversatt til Nordhordlandsk

Saksopplysningar:

Bakgrunn

Viser til bestilling i møte i formannskapet 11.03.15.

«Formannskapet oppmodar rådmannen til å koma med sak i neste kommunestyremøte basert på følgjande:

Meland vil snarast gå i gang med reelle drøftingar etter modell frå SAS-kommunane. Dette inneber politikareigd- og styrt modell, der det vert sett ned forhandlingsutval på tre medlemmer frå formannskapet. Vi ønskjer å ta modell av SAS-utgreiinga med tanke på metodikk, tematikk og prinsipp.

Meland er opne for å drøfta med alle nabokommunane, men ser ikkje vekk frå at vi kan starta drøftingane med færre kommunar, og så dela informasjonen med andre, og gje andre høve til å slutta seg til drøftingane undervegs.»

I desember 2014 fatta kommunestyret vedtak om at Meland kommune skulle gå i reelle drøftingar med interesserte nabokommunar med sikte på å bli samde om å etablere ein ny kommune. Dei andre kommunane i regionen fatta liknande vedtak. Mange av kommunane har vedtak om å utgreie fleire alternativ.

I tida etter nyttår har det vorte jobba med framdriftsplanar og modellar med sikte på å få med alle kommunar som er interesserte i reelle drøftingar. Det har synt seg krevjande å kome i gang med prosessen då det er mange aktørar og til dels ulike interesser.

Vurdering

Tida går fort, og dersom vi skal kome i gang med drøftingar før kommunevalet, må arbeidet startast opp no. Det er og viktig med tanke på at det er ein del som skal avklarast før endeleg vedtak kan fattast våren 2016. Dette er siste frist dersom vi skal fatte vedtak i den frivillige prosessen slik Regjeringa no har lagt opp løpet.

I møtet i Regionrådet fredag 13.03.15 vart det fatta vedtak om å gå i gang med reelle drøftingar innafor det alternativet som omfattar heile Nordhordland, inklusive kommunar i Ytre Sogn. Det inneber at kommunane Solund, Gulen, Masfjorden, Modalen, Fedje, Austrheim, Radøy, Meland og Lindås skal forhandle med sikte på å lage ein modell for ein ny kommune. Osterøy kommune har gjort vedtak om å ikkje utgreie Nordhordlandsalternativet i denne runden. Kommunane skal velje inntil 3 representantar inn i eit forhandlingsutval. Sjølv forhandlingane er tenkt starta like over påske, i eit møte førebels sett til den 16. april. Det er engasjert prosjektleiar gjennom NUI IKS (Nordhordland utviklingselskap) til å leie denne prosessen fram til endeleg vedtak våren 2016.

At så mange kommunar skal forhandle gjer at prosessen vert utfordrande. Ordførarane i Radøy, Lindås og Meland har difor vorte samde om å gå i gang med ein parallell prosess til den store Nordhordlandprosessen. Den mindre prosessen er tenkt bygd opp etter same mal som kommunane i SAS (Stokke, Andebu og Sandefjord) la til grunn for sitt vedtak 5. februar 2015 om å etablere ny kommune.

Vedlagt til denne saka ligg det eit døme på korleis eit forhandlingsresultat mellom kommunane Lindås, Radøy og Meland kan sjå ut. Utkastet byggjer på det forhandlingsutvalet i SAS vart samde om. Det er ingen ting i vegen for at dette utkastet kan byggjast ut til å omfatte heile Nordhordland.

Det bør opprettast eit forhandlingsutval på maks 3 personar frå kvar kommune. Posisjonane ordførar, varaordførar og leiar av største opposisjonspartiet bør utgjere forhandlingsutvalet. Avgrensinga på tre frå kvar kommune er gjort for at utvalet ikkje skal bli for stort. Forhandlingsutvalet må syte for gode prosessar og god forankring internt i den kommunen dei representerer. Om det skal etablerast undergrupper og lokale arbeidsgrupper vert opp til forhandlingsutvalet å avgjere.

Rådmann meiner at dei tre som vert oppnemnd til å forhandle med Lindås og Radøy, også bør utgjere dei som forhandlar med det store Nordhordlandsalternativet, og eit eventuelt Bergensalternativ. Det vert uryddig dersom vi skal ha fleire ulike forhandlingsutval i sving samstundes. Det kan verte stor arbeidsbelastning på dei tre politikarane som skal forhandle. Dette må vi søkje å løyse med frikjøp.

Det har vore etterspurt kor tid dei tilsette sine organisasjonar sal involverast. Dette vil skje så snart prosessen reelt er kome i gang, og det er konkrete ting som skal drøftast. Arbeidet med å «rigge» den nye kommunen kan ikkje starte opp før det formelt er søkt om å etablere ny kommune. I denne fasen vil sjølv sagt dei tilsette sine organisasjonar bli involverte. Det å forhandle fram eit avgjerslegrunnlag er først og fremst ein politisk prosess. Forhandlingsutvalet bør likevel orientere både administrasjonsutval, formannskap og kommunestyre undervegs.

Det kan bli krevjande å halde liv i mange parallelle prosessar, samstundes som ein skal syte for framdrift. Vi har no tre konkrete prosessar i gang, den store Nordhordlandprosessen, den mindre prosessen med Lindås, Radøy og Meland samt Meland og Bergen. I løpet av våren bør nokon av desse prosessane lukkast.

Det vil gå med ein del møtedagar for deltakarane i forhandlingsutvala. Vi bør difor vurdere frikjøp for varaordførar og leiar av det største opposisjonspartiet. Varaordførar har frikjøp tilsvarande 20 % stilling, men det held ikkje til så omfattande møteaktivitet som det kan kome til å bli her. Leiar av det største opposisjonspartiet har ikkje frikjøp i dag. Det er ikkje lagt inn budsjettmidlar til frikjøp ut over det som følgjer av politisk reglement i dag. Dette er likevel noko vi må vurdere for å gje rimelege arbeidsvilkår for folkevalde i denne prosessen.

Konklusjon

For å få god nok til til dei forhandlingane som skal gjennomførast, bør arbeidet startast umiddelbart, helst før påske. Sjølv om det er val til hausten og vi ikkje kjenner den politiske samansetjinga, meiner rådmann mykje av det som bør forhandlast om kan formulerast allereie no. I så måte syner vi til vedlagde utkast til forhandlingsavtale. Rådmann understrekar at dette er eit utkast tufta på det som vart lagt til grunn for kommunane Stokke, Andebu og Sandefjord. Korleis vår avtale vert sjåande ut er opp til forhandlingsutvalet å avgjere.

Framlegg til vedtak:

1. Meland kommune inviterer nabokommunane Lindås og Radøy til konkrete forhandlingar med sikte på å kunne fatte vedtak om å etablere ein ny kommune våren 2016. Det vert oppretta eit politisk forhandlingsutval som består av ordførar, varaordførar og leiar for det største opposisjonspartiet.
Rådmann tiltrer forhandlingsutvalet administrativt. Det er eit mål at forhandlingane kan starta opp snarast.
2. I forhandlingane vert følgjande prinsipp lagt til grunn:
 - a) likeverd mellom kommunane,
 - b) at nærdemokratiet skal takast i vare,
 - c) at gjeldande planverk i kommunane skal gjelde som kommunedelplanar fram til nytt felles planverk er vedteke.
3. Det politiske forhandlingsutvalet har ansvar for å gjennomføre forhandlingane. Rådmann fungerer som sekretariat.
4. Forhandlingsutvalet sitt mandat er å utarbeide
 - framdriftsplan,
 - overgangsordningar,
 - framlegg til politisk organisering, under dette korleis nærdemokratiet kan takast i vare,
 - felles søknad til Kongen om ny kommune.
5. Forhandlingsutvalet orienterer fortløpande administrasjonsutval, formannskap og kommunestyre.
6. Kommunestyret i Meland tek sikte på å handsame sak om å søkje om å etablere ny kommune tidleg våren 2016.
7. Vegen vidare i høve Bergen vert å avklare seinast i kommunestyremøte 17. juni 2015.